

# МОЛИТВЫ О СЕМЕЙНОМ БЛАГОПОЛУЧИИ



МОСКВА  
2011

УДК 243  
ББК 86.372  
М 75

*Рекомендовано к публикации  
Издательским Советом Русской Православной Церкви  
(ИС 11-025-2762)*

М 75 **Молитвы о семейном благополучии.** – М.: Благовест,  
2011. – 48 с.

УДК 243  
ББК 86.372

ISBN 978-5-9968-0050-6 © Издательство «Благовест» — текст,  
формирование, оригинал-макет, 2011

## **БЛАГОСЛОВЕНИЕ НА ВСТУПЛЕНИЕ В БРАК**

**Пресвятой Богородице  
в честь Ее иконы «Казанская»**

**Тропарь, глас 4-й**

Заступнице усердная, Мати Господа  
Вышняго, за всех можиши Сына Твоего=  
Христа=Бога нашего, и всем творини  
спастися, в державный Твой покров  
прибегающим. Всех нас заступи, о Госпоже=  
Царице и Владычице, иже в напаестех  
и в скорбех, и в болезнях, обремененных  
грехи=многими, предстоящих и молящихся  
Тебе=умиленною душею, и сокрушенным  
сердцем, пред пречистым Твоим образом  
со слезами, и невозвратно надежду имущих  
на Тя избавления всех зол, всем полезная  
даруй, и вся спаси, Богородице Дево:  
Ты бо еси=Божеественный покров рабам  
Твоим.

### Кондак, глас 8-й

Притецем, людие, к тихому сему= и доброму пристанищу, скорой Помощнице, готовому и теплomu спасению, покрову Девы. Ускорим на молитву, и потщимся на покаяние: источает бо нам неоскудная милости Пречистая Богородица, предваряет на помощь и избавляет от великих бед и зол благодетельная и богобоящая раба= Своя=

### Молитва

О, Пречистая Владычице Богородице, Царице небеси=и земли= вышшая ангел и архангел и всея=твари честнейшая, чистая Деву Марию, миру благая помощнице и всем людям утверждение и во всяких нуждах избавление! Призри и ныне, Госпоже=Всемилющая, на раба=Твоя= Тебе=умиленною душею и сокрушенным сердцем молящийся, со слезами к Тебе=припадающия пречистому и цельбоносному образу Твоему=

и помощи и заступления Твоего=просящия. О, Всемилющая и Премилосердая Деву Богородице чтимая! Воззри= Госпоже= на люди Твоя= мы бо, грешнии, не имамы иных помощи, разве Тебе=и от Тебя=рождаемого Христа=Бога нашего. Ты еси=заступница и предстательница наша, Ты еси=обидимым защищение, скорбящим радование, сирым прибежище, вдовам хранительница, девам слава, плачущим веселие, больным посещение, немощным исцеление, грешным спасение. Сего=ради, о Богомати, к Тебе=прибегаем и на Твой пречистый образ с превечным на руку=Твоею держимым младенцем, Господом нашим Иисусом Христом взирающе, умиленное пение Тебе=приносим и вопием: помилуй нас, Мати Божия, и прошение наше исполни, вся бо суть возможна ходатайству Твоему= яко Тебе= слава подобает ныне и приено и во веки веков. Аминь.

**Благоверному князю Петру  
и княгине Февронии,  
Муромским чудотворцам**

**Тропарь, глас 8-й**

Яко благочестиваго корене пречестная  
отрасль был еси, добре во благочестии пожив,  
блаженне Петре, тако и с супружницею  
твоею, премудрою Феврониею, в мире  
Богу угодивше и преподобных житию=  
сподобистесь. С нимиже молитесь Господеви  
сохранити без вреда=отечество ваше, да вас  
непрестанно почитаем.

**Кондак, глас тойже**

Мира сего=княжение и славу временну  
помышляя, сего=ради благочестно в мире  
пожил еси, Петре, кунно и с супружницею  
твоею премудрою Феврониею, милостынею  
и молитвами Богу угодивше. Темже и  
по смерти неразлучно во гробе лежаще,  
исцеление невидимо подаете. И ныне

Христу=молитесь сохранить град же и люди,  
иже вас славящих.

**Молитва**

О, величии угодницы Божии и предивнии  
чудотворцы, благовернии княже Петре  
и княгине Февроние, града Мурома  
предстателие и хранителие, и о всех нас  
усерднии ко Господу молитвенницы! К  
вам прибегаем и вам с упованием крепким  
молимся: вознесите о нас, грешных, святых  
молитвы ваша ко Господу Богу, и испросите  
у благодати Его=вся благопотребная душам  
и телесем нашим: веру праву, надежду  
благу, любовь нелицемерну, благочестие  
непоколебимо, в добрых делах преуспеяние,  
мира умирение, земли=плодоносие, воздуха  
благорастворение, телесем здравие и  
душам спасение. Исходатайствуйте у Царя=  
Небеснаго Церкви Святых и всей державе  
Российстей мир, тишину=и благоустроение,  
и всем нам житие= благополучное и

добрую христианскую кончину. Оградите Отечество ваше и вся грады Российския от всякаго зла; и вся правоверныя люди, к вам приходящия и святым мощем вашим поклоняющиеся, осените благодатным действием богоприятных молитв ваших, и вся прошения их во благо исполните. Ей, чудотворцы святини! Не презрите молитв наших, со умилением вам днесь возносимых, но будите о нас приении предстаелие ко Господу, и сподобите нас помощью вашею спасение вечное улучшить и Царствие Небесное унаследовати: да славословим неизреченное человеколюбие Отца и Сына и Святаго Духа, в Троице покланяемаго Бога, во веки веков. Аминь.



## О ПОКРОВИТЕЛЬСТВЕ ВСТУПАЮЩИМ В БРАК

**Святым бесребреникам и чудотворцам  
Косме и Дамиану**

*Тропарь, глас 5-й*

Святини бесребреницы и чудотворцы,  
Космо и Дамиане, посетите немощи наша:  
туне прияете, туне дадите нам.

*Кондак, глас 2-й*

Благодать приемше исцелений, про-  
стираете здравие сушим в нуждах, врачеве,  
чудотворцы преславнии, но вашим  
посещением рабников дерзости низложите,  
мир исцеляюще чудесы=

**Молитва**

К вам, святини бесребреницы и  
чудотворцы Космо и Дамиане, яко к скорым  
помощником и теплым молитвенником о

спасении нашем мы, недостойнии, преклонше колена, прибегаем и припадающе усердно вопием: не презрите моления нас грешных, немощных, во многая беззакония впадших, и по вся дни и часы=согрешающих. Умолите Господа, да прибавит нам, недостойным рабом Своим, великия и богатя Своя=милости: избавите нас от всякия скорби и болезни, вы бо прияли есте=от Бога и Спаеа нашего Иисуса Христа=неоскудную благодать исцелений, ради твердыя веры, безмезднаго врачевания и мученическа кончины вашей. Ей, угодницы Божии, не престаите молящеся за ны, с верою к вам притекающия: аще бо по множеству грехов наших и немы достойни милосердия вашего, обаче вы вернии подражателие человеколюбия Божия суще, сотворите молитвами вашими, да плоды=достойны покаяния приносяще, и в вечный покой достигнем, хваляще и благословяще дивнаго во святых Своих Господа и Бога и Спаеа нашего Иисуса Христа, и Пречистую

Матерь Его, и ваше теплое заступление всегда=ныне и приено и во веки веков. Аминь.

### Молитва Пресвятой Богородице о семье

Владычице Преблагословенная, возьми=под Свой покров семью=мою=Всели=в сердца=супруга моего=и чад наших мир, любовь и непрекословие всему=доброму; не допусти=никого=из семьи=моей до разлуки и тяжкаго расставания, до преждевременныя и внезапныя смерти без покаяния. А дом наш и всех нас, живущих в нем, сохрани=от огненнаго запаления, воровскаго нападения, всякаго злаго обстояния, разнаго страхования и диавольскаго наваждения. Да и мы кунно и разделянно, явно и сокровенно будем прославлять имя Твое=Святое= всегда=ныне и приено, и во веки веков. Аминь.

Пресвятая Богородице, спаси нас!

## О СЧАСТИИ БРАКА

### Пресвятой Владычице нашей Богородице и Приснодеве Марии

**Тропарь, глас 4-й**

Рождество= Твое= Богородице Деве,  
радость возвести=всей вселенной: из Тебе=бо  
возсия=Солнце правды Христос= Бог наш,  
и разрушив клятву, даде благословение,  
и упразднил смерть, дарова= нам живо=  
вечный.

**Кондак, глас 4-й**

Иоаким и Анна поношения безчадства,  
и Адам и Ева от тли смертных свободиетася,  
Пречистая, во святем Рождестве=Твоем. То  
празднуют и люди Твои=вины=прегрешений  
избавльшеся, внегда= звати Ти: неплоды  
раждает Богородицу и Питательницу жизни  
нашея.

## Архангелу Варахиилу

*(покровителю благочестивых семейств,  
Небесным чинам бесплотным)*

**Тропарь, глас 4-й**

Небесных воинств Архистратизи, молим вас  
приено мы, недостойнии, да вашими молитвами  
оградите нас кровом крил невещественная  
вашея славы, сохраняюще нас, припадающих  
прилежно и вопиющих: от бед избавите нас, яко  
чиноначальницы вышних Сил.

**Кондак, глас 2-й**

Архистратизи Божии, служителие Бо-  
жественная славы, Ангелов начальницы и  
человеков наставницы, полезное нам про-  
сите и велию милость, яко Бесплотных  
Архистратизи.

**Молитва**

О, великий архистратиге Божий архангеле  
Варахииле! Предстоя= Престолу Божию

и оттожи принося= благословения Божия в дома верных раб Божиих, испроси= у Гоєпода Бога милосердия и благословения на дома наша, да благословиѣ Господь Бог нас и умножит изобилие плодов земных, и подает нам здравие и спасение, во всем благоє поспешение, и на врагов победу и одоление, и сохраниѣ нас на многая лета, всегда=ныне и приено и во веки веков. Аминь.

### Молитва апостолу Симону Зилоту

*Тропарь, глас 3-й*

Апоєголи святин, молиѣе милостиваго Бога, да прегрешений оставление подает душам нашим.

*Кондак, глас 2-й*

Извєетно премудрости учения в душах благочєстующих положшаго во хвалении ублажим, яко Богоглаголиваго вси Симона:

Престолю бо Славы ныне предстоиѣ и со Безплотными веселится, моляєя непрестанно о всех нас.

### Молитва

Святый славный и всехваальный апоєголе Христов Симоне, сподобивыйся прияти в дом твой в Кане Галилейстей Гоєпода нашего Иисуєа Христа=и Его=Пречиєтую Матерь, Владычицу нашу Богородицу, и очевидцем быти преславнаго чудесе= Христова, на браце твоєм явленнаго, претворения воды=в вино= Молим тя с верою и любовью: умоли= Христа= Гоєпода претворитѣ души наша из грехолюбивых в боголюбивыя; сохрани=и соблюди=нас молитвами твоими от искушений диавольских и падений греховных и испроси=нам свыше помощь во время уныния и беспомощия нашего, да не преткнемся о камень соблазна, но неуклонно шєетвуем спасительным путем заповедей Христовых, дождеже достигнем обителей

райских, идеже ты ныне водворяешия и веселишия. Ей, апостоле Спасов! Не посрами=нас, креще на тя уповающих, но буди нам помощник и покровитель во всем житиѣ нашем и помози=нам благочестно и богоугодно житие=сие=временное скончати, благою и мирную христианскую кончину получитьи и добраго ответа сподобитися на Страшнем Суде=Христове, да избежавше мытарств воздушных и власти лютаго миродержца, унаследуем Царство Небесное и прославим великоленое имя Отца и Сына и Святаго Духа во веки веков. Аминь.



## О СОВЕТЕ И ЛЮБВИ МЕЖДУ МУЖЕМ И ЖЕНОЙ

Святому апостолу и евангелисту  
Иоанну Богослову

Тропарь, глас 2-й

Апостоле, Христу=Богу возлюбленне, ускори=избавити люди безответны, приемлет тя припадающа, Иже падша на перси приемый, Егоже моли=Богослове, и належаную мглу языков разгнати, прося=нам мира и велия милости.

Кондак, глас 2-й

Величия твоя=девственниче, кто повесть? Точиши бо чудеса=и изливаеши исцеления, и молишися о душах наших, яко Богослов и друг Христов.

Молитва

О, великий и всехваляньный апостоле и евангелисте Иоанне Богослове, наперснице

Христовъ, теплый наш заступниче и скорый в скорбех помощниче! Умоли Гоюпода Бога даровати нам оставление всех прегрешений наших, елико согрешихом от юности нашея, во всем житии=нашем, делом, словом, помышлением и всеми нашими чувствами. Во исходе же душ наших помози=нам, грешным, избавиться воздушных мытарств и вечнаго мучения, да твоим милостивным представтельством прославляем Отца и Сына и Святаго Духа, ныне и приено и во веки веков. Аминь.

#### **Молитва Архангелу Рафаилу**

О, святыи Архангеле Рафаиле! Всеусердно молим тя, буди нам путеводитель в жизни нашей, сохрани=от всех видимых и невидимых враг, исцели=душевные и телесныя болезни наша, управи жизнь нашу к покаянию во гресеи ко творению добрых дел. О, святыи великий Рафаиле Архангеле! Услышни нас, грешных рабов Божиих (*име-*

*на*), молящихся тебе, и сподоби в здешней и в будущей жизни благодарити и славити общаго Создателя нашего в безконечныя веки веков. Аминь.

#### **Молитва Архангелу Варахиилу**

*См. с. 13.*

#### **Святым мученикам Гурию, Самону и Авиву**

*См. с. 34.*

#### **Молитва пред иконой «Покров Пресвятой Богородицы»**

О, Пресвятая Дево, Мати Гоюпода Вышних Сил, Небесеи земли Царице, града и страны=нашея всемошная Заступнице! Приими=хвалебно-благодарственное пение сие=от нас, недостойных раб Твоих, и вознеси=молитвы наша ко Престолу Бога Сына Твоего, да милостив будет неправдам нашим и пробавит благодать Свою=чтущим всечестное имя Твоеи с верою и любовию

поклоняющимся чудотворному образу Твоему=Несмы=бо достойни от Него=помилуваны быти, аще не Ты умилостивиши Его=о нас, Владычице, яко вся Тебе=от Него=возможна суть. Сего=ради к Тебе=прибегаем, яко к несомненной и скорей Заступнице нашей: услыши нас, молящихся Тебе,=осени=нас вседержавным покровом Твоим и испроси=у Бога Сына Твоего=наетырем нашим ревность и бдение о душах, градоправителем мудрость и силу, судиям правду и нелицеприятие, наставником разум и смиренномудрие, супругом любовь и согласие, чадом послушание, обидимым терпение, обидящим страх Божий, скорбящим благодушие, радующимся воздержание: всем же нам дух разума и благочестия, дух милосердия и кротости, дух чистоты=и правды. Ей, Госпоже=Пресвятая, умилосердися на немощныя люди Твоя,=разсеянныя собери,=заблудшия на путь правый настави, старость поддержи=юныя уцеломудри, младенцы воспитай и

призри на всех нас призрением милостиваго Твоего=заступления; воздвигни нас из глубины=греховныя и просвети=сердечныя очи наша ко зрению спасения; милостива нам буди зде и тамо, в стране=земнаго пришествия и на Страшном суде=Сына Твоего,=преставльшиися же в вере и покаянии от жития=сего=отцы=и братию нашу в вечней жизни со Ангелы и со всеми святыми жити сотвори=Ты бо еси,=Госпоже,=Слава небесных и Упование земных, Ты по Бозе наша Надежда и Заступнице всех притекающих к Тебе=с верою. К Тебе=убо молимся и Тебе,=яко Всемогущей Помощнице, сами себе=и друг друга и весь живоу наш предаем, ныне и приено, и во веки веков. Аминь.

### **Молитва пред иконой Божией Матери**

#### **«Умиление»**

Прими,= Всеблагомощная, Пречистая Госпоже=Владычице Богородительнице, сия=

честные дары, Тебе единой прикладныя, от нас, недостойных рабов Твоих; от всех родов избранная, всех тварей небесных и земных вышшая являющаяся, понеже бо Тебе ради бысть Господь Сил с нами, и Тобою Сына Божия познахом и сподобихомся святого Тела Его и пречистыя Крове Его; темже блаженна еси в родех родов, Богоблаженная, Херувимов светлейши и Серафимов честнейши сущая. И ныне, всепетая Пресвятая Богородице, не престай молящися о нас, недостойных рабах Твоих, еже избавитися нам от всякаго совета лукаваго и всякаго обстояния и сохранитися нам неврежденным от всякаго ядовитаго прилога диавольскаго; но даже до конца молитвами Твоими неосужденных нас соблюди, яко да Твоим заступлением и помощью спасаеми, славу, хвалу, благодарение и поклонение за вся в Троице Единому Богу и всех Создателю возсылаем, ныне и приено, и во веки веков. Аминь.

## Молитва пред иконой Божией Матери «Феодоровская»

К кому воззову, Владычице, к кому прибегну в печали моей; к кому принесу слезы и воздыхания моя; аще не к Тебе Царице Небес и земли; кто исторгнет мя от тины грехов и беззаконий, аще не Ты, о Мати Живота, Заступнице и Прибежище рода человеческого. Услыши стенание мое; утени мя и помилуй в горести моей, защити в бедах и напастьях, избави от озлоблений и скорбей и всяких недугов и болезней, от враг видимых и невидимых, умири вражду стужающих мне, да избавлен буду от клеветы и злобы человеческия; также де от своя ми плоти гнуемых обычаев свободи мя. Укрой мя под сению милости Твоея; да обряну покой и радость и от грехов очищение. Твоему Матернему заступлению себе вручаю; буди мне Мати и надежде, покров и помощь и заступление, радость и утешение и скорая во всем Помощнице.

О, чудная Владычице! Всяк, притекающий к Тебе, без Твоея=всеси́льных помощи не отходит: сего=ради и аз недостойный к Тебе=прибегаю, да избавлен буду от внезапных и лю́тых смерти, скрежета зубного и вечного мучения. Небесное же Царствие получиши сподоблюся и Тебе=во умилении сердца реку=Радуйся, Мати Божия, Предстательница и Заступница наша усердная, во веки веков. Аминь.



## ОБ ОБРЕТЕНИИ СВОЕГО ЖИЛИЩА

Благодарному князю  
Даниилу Московскому

Тропарь, глас 3-й

Явися еси=в стране=нашей, яко звезда=пресветлая, благоверный княже Дании́ле, лучами света твоего= озаряя град твой и обитель твою, людем православным поборник еси, пленным свободитель и нищим защититель, моли= Христа= Бога державе Российстей даровати мир и спасти=души наша=

Кондак, глас 6-й

Еже по образу соблюди непреложно и еже в мире тленная оставив, со ангельскими лики предстоиши Христу, преподобне княже Дании́ле, никакоже забывая чад твоих, но милостивно посещая и глаголя им: аз есмь с вами, и никтоже на вы.

## Молитва

Церкве Христовы похвало= высокая, града Москвы=стено=необоримая, державы Российския Божественное утверждение, преподобне княже Данииле, к раце мощей твоих притекающе, усердно молим тя: призи на нас, память твою=воспевающих, пролей теплое твое=ходатайство ко Спасу всех, яко да утвердишь миром страну=нашу, грады и всеи ея=и обитель сию=добре да сохранишь благочестие и любовь в людях твоих насаждая, злобу же, междоусобие и нравов развращение искореняя; всем же нам вся благая ко временному животу=и вечному спасению даруй молитвами твоими, яко да прославляем дивного во святых Своих Христа=Бога нашего во веки веков. Аминь.



## О ВСЯКОЙ СЕМЕЙНОЙ И БЫТОВОЙ НУЖДЕ

Святой блаженной  
Ксении Петербургской

Тропарь, глас 7-й

Нищету= Христову возлюбивши, безсмертныя трапезы ныне наслаждаешися, безумием мнимым безумие мира обличивши, смирением крестным силу Божию восприяла еси=Сего ради дар чудодейственных помощи стяжавшая, Ксении блаженная, моли=Христа=Бога избавитися нам от всякого зла покаянием.


Кондак, глас 3-й

Днесь светло ликует град святого Петра, яко множество скорбящих обретают утешение, на твоя=моливы надеющиеся, Ксении всеблаженная, ты бо еси=граду сему=похвала=и утверждение.

## Молитва

О, препрoетая образом жития=своего= бездомная на земли=наследнице же обитeлей Отца= Небeснаго, блаженная страннице Ксeние! Якоже прежде к надгробию твоему= недужнии и скорбнии припадавшии и абие утешениями исполняемии, сие ныне и мы, обуреваемии тлетворными обстоянии, к тебе= прибегающе, с надеждою проeим: помолиeся, благая небошeетвеннице, дабы исправилися стoны наша по словеси=Господню к деланию заповедей Его=и да упраздниeся богоборное безбожие, пленившее град твой и страну= твою= привергающее нас многогрeшных в смертное братоненавидение, гордое самовозбешение и хульное отчаяние. О, блаженнейшая Христа=ради, посрамившая суемудрость века сего= испроси=у Творца= и Подателя всяческих благ даровати нам смирения, кротости и любви=в сокровище сердца нашего, веры в укрепление молитвы, надежды в покаянии, крепости

в многотрудном житии= милосердного исцеления души=и тела нашего, целомудрия в супружестве и благопопечения о ближних и искренних своих, всего=жития=нашего обновление в очистительней бане покаяния, яко да всехваляно воспевающе память твою= прославим, в тебе чудодeйствующаго, Отца=и Сына и Святаго Духа, Троицу Единосущную и Нераздельную во веки веков. Аминь.




## ПРИ ДЕТОРОДНОМ НЕПЛОДСТВЕ

### Молитва супругов, детей не имеющих *(о даровании детей)*

Услышь нас, Милосердный и Всемогущий Боже, да молением нашим ниспослана будет благодать Твоя. Будь милостив, Господи, к молитве нашей, вспомняи закон Твой об умножении рода человеческого и будь милостивым Покровителем, да Твоею помощью сохранимся Тобою же установленное. Ты властною силою Твоею из ничего все сотвориши и положиши начало всего в мире существующего; сотвориши и человека по образу Своему и высокую тайную освятиши союз супружества в предуказание тайны единения Христа с Церковью. Призри, Милосердный, на рабов Твоих сих *(имена)*, союзом супружеским соединенных и умоляющих о Твоей помощи, да будет на них милость Твоя, да будут плодовиты и да увидят они сыны-сынов своих даже до

третьяго и четвертаго рода и до желаемой старости доживут и войдут в Царство Небесное через Господа нашего Иисуса Христа, Которому всякая слава, честь и поклонение подобает со Святым Духом во веки. Аминь.



## О ВОСПИТАНИИ ДЕТЕЙ В ХРИСТИАНСКОМ БЛАГОЧЕСТИИ

### Мученице Софии

#### Тропарь, глас 4-й

Торжествует Церковь первородных, и свеселился приемля мать о чадах веселящуюся, яже яко мудрости тезоименитая, тройственным богословским добродетелем равночиеленная порождает Тыя с мудрыми девами зрит уневесившаяся Жениху Богу Слову. С нею и мы духовне в памяти их свеселимся, глаголюще: Троицы поборницы, Веро, Любве и Надеждо, в вере, любви и надежде утверждайте нас.

#### Кондак, глас 1-й

Софии честная священнейшая ветви, Вера и Надежда и Любовь, показавшаяся, мудрость обуиша еллинскую благодатию, и пострадавшая, и победоносницы явившаяся,

венцем нетленным от всех Владыки Христа увязошася.

### Молитва

О, многострадальная и премудрая великомученице Христова Софии! Ты душею на небесах у Престола Господня предстоиши, на земли же, данную тебе благодатию, различная совершаешь исцеления: призри убо милостивно на предстоящих люди и молящихся пред мощами твоими, просящих твоей помощи: простри ко Господу святых молитвы твоя о нас, и испроси нам оставление согрешений наших, недужным исцеление, скорбящим и бедствующим скорую помощь: умоли Господа, да подаст всем нам христианскую кончину и добрый ответ на Страшном Суде Своем, да сподобимся и мы кунно с тобою славить Отца и Сына и Святаго Духа во веки веков. Аминь.

## ОБ УСТРАНЕНИИ СЕМЕЙНЫХ НЕУРЯДИЦ

### Мученикам и исповедникам Гурию, Самону и Авиву

#### Тропарь, глас 5-й

Чудеса= святыѣ Твоиѣ мученик стѣну  
необоримую нам даровавый, Христе=Боже,  
тех молитвами советы языков разори= яко  
Един Благ и Человеколюбец.

#### Кондак, глас 2-й

С высоты= мудрии благодаѣ приемше,  
сущим во искушениих предстоите,  
всехвальнии. Темже отроковину святини от  
смерти горькия избависте: вы бо воистинну  
есте=Едесу слава и миру радость.

#### Молитва

О, преславнии мученицы Гурие, Самоне  
и Авиве! К вам, яко скорым помощникам

и теплым молитвенникам, мы, немощнии  
и недостойнии, прибегаем, усердно  
моляще: не презрите ны, во многая  
беззакония впадшия и по вся дни и часы=  
согрешающия; наставите на путь правый  
заблудшия, исцелите страждущия и  
скорбящия; соблюдайте ны в непорочном и  
целомудреннем житии=и якоже древле, тако  
и ныне покровители супружеств пребудите,  
в любви=и единомыслии сия=утверждающе  
и от всех злых и бедственных обстояний  
избавляюще. Защитите, о многомощныя  
исповедницы, вся православныя христианы  
от напастей, злых человек и козней  
демонских; оградите я от нечаянныя смерти,  
умоляюще Всеблагаго Господа, да великия  
и богатыя милости нам, смиренным рабом  
Своим, пробавит. Не мы бо достойни  
нечистыми устами призывать великоленое  
имя Создателя нашего, аще не вы, святини  
мученицы, за ны ходатаи будете; сего=  
ради к вам прибегаем и представительства

вашего пред Гошподем о нас проеим. Такожде избавите нас от глада, потопа, огня, меча, нашеетвия иноплеменных, междоусобных брани, смертоенных язвы и всякаго душепаубнаго обстояния. Ей, стратотерпцы Христовы, устройте нам молитвами вашими вся благая и полезная, да благочеедно житие=временное прешедше и кончину непостыдну стяжавше, удостоимся теемлым заступлением вашим со всеми святыми одесную Правосуднаго Бога Судии=стани, и Того=непрестанно славити со Отцем и Святым Духом во веки. Аминь.



## О ЗАСТУПНИЧЕСТВЕ ВДОВ И СИРОТ, О ПОМОЩИ В НУЖДЕ

Святителю Димитрию Ростовскому

Тропарь, глас 8-й

Православия ревнителю и раскола искоренителю, Российский целебниче, и новый к Богу молитвенниче, списанными твоими бунх уцеломудрил еси, цевнице духовная, Димитрие блаженне, моли=Христа=Бога спастиися душам нашим.


Кондак, глас 8-й

Звезду=Российскую от Киева возсиявшую, и чрез Новград Северский в Ростов достигшую, всю же страну=еию=ученьми и чудесы=озарившую, ублажим златословеенаго учителя Димитрия, той бо всем вся написа=яже к наставлению, да всех приобрящет, якоже Павел Христу, и спасет правоведем души наша.

## Молитва

О, всеблаженне святителю Димитрие, великий угодниче Христов, Златоусте Российский, услыши нас грешных, молящихся тебе, и принеси молитву нашу к милостивому и Человеколюбцу Богу, Ему же ты ныне в радости святых и с лики ангел предстоиши. Умоли Его благоутробие, да не осудит нас по беззакониям нашим, но да сотвори с нами по милости Своей; испроси нам у Христа Бога нашего мирное и безмятежное житие, здравие душевное и телесное, земли благоплодие и во всем всякое изобилие и благоденствие, и да не во зло обратим блага, даруемая нам от щедрого Бога, но во славу Его и в прославление твоего заступления. Даруй нам богоугодно перейти по нрише временныя жизни: избави нас от воздушных мытарств и настави на путь, ведущий в селения праведных, идеже празднующих глас непрестанный, зрящий Божия Лица неизреченную доброту;

Церковь Святую от ересей и расколов сохрани, верных укрепи, заблуждающих обрати и всем даруй вся, яже ко спасению и славе Божией подобающая, Отечество твое сохрани от врагов ненавистно. И подаждь нам всем твое архипафтырское святое благословение, да оным осеняеми, избавимся от козней лукаваго, избегнем всякия беды и напасти. Услыши моление наше, оче Димитрие, и моли непрестанно о нас Всесильного Бога, славимаго и поклоняемаго в Трех Ипостасех, Ему же подобает всякая слава, честь и держава во веки веков. Аминь.



## О БЛАГОПОЛУЧИИ ВТОРОГО БРАКА

### Преподобной Афанасии игуменьи

Тропарь, глас 8-й

В тебе, мати, извеетно спасеся еже по образу: примиши бо крест, последовала еси Христу, и деющи учила еси презирати убо плоть, преходит бо: прилежаши же о души, вещи безсмертней: тем же и со ангелы срадуется, преподобная Афанасия, дух твой.

Кондак, глас 2-й

За любовь Господню, преподобная, покаяние возненавидела еси, пощением дух твой просветивши: крепко бо звери победила еси, но молитвами твоими противных шатание разори.



## О СКОРОМ ВОЗВРАЩЕНИИ СУПРУГА ИЗ ДАЛЬНОЙ ОТЛУЧКИ

### Сорока Севастийским мученикам

Тропарь, глас 3-й

Страстотерпцы Христовы, сорок, в граде Севастийском мужественно пострадавшии, чрез огонь и воду прошедшии, в покой вечный вшедшии, молитесь о нас ко Господу, да жизнь миру сохраните и души наша спасете, яко Человеколюбец.

Кондак, глас 6-й

Все воинство мира оставльше, на небесах Владыце прилепитеся, страстотерпцы Господни, сорок, чрез огонь бо и воду прошедше, блаженнии, достойне восприимете славу с небес и венцев множество.

Молитва

О, святини славнии, страстотерпцы Христовы, сорок, в граде Севастии

Христа= ради мужественно пострадавши, через огонь бо и воду проидоете и, яко друзи Христовы, в покой Небеснаго Царствия вшедше, имате велие дерзновение ко Пресвятей Троице ходатайствовать о роде христианском, наипаче же о почитающих святую память вашу и с верою и любовью вас призывающих. Испросите у Всещедрого Бога прощение согрешений наших и жития=нашего исправление, да в покаянии и нелицемерной любви друг ко другу поживше, со дерзновением предстанем Страшному Судии Христову и вашим представельством одесную Праведнаго Судии= предстанем. Ей, угодницы Божии, будите нам защитницы от всех враг, видимых и невидимых, да под кровом святых ваших молитв избавимся от всех бед, зол и напастей до последнего дне жизни нашей и тако прославим великое и достопоклоняемое имя вседетельная Троицы, Отца=Сына и Святаго Духа, ныне и приено и во веки веков. Аминь.

## О ПОМОЩИ В ЖИТЕЙСКИХ ДЕЛАХ, О БЛАГОСЛОВЕНИИ БОЖИЕМ НАД ДОМОМ

Священномученику Власию,  
епископу Севастийскому

Тропарь, глас 4-й

И нравом причаежник, и престолом намежник апоетолом быв, деяние обреж еси= богодухновенне, в видения восход: сего= ради слово иетины исправляя, веры ради пострада еси=даже до крове, священномучениче Влаеие, моли= Христа= Бога спасти ея душам нашим.


Кондак, глас 8-й

Священия помазанием и мучения кровию украсия еси= славне Влаеие, сияеши всюду, в Вышних ликуя и нас назирая, в храм твой пришедшия и в нем тебе=непрестанно зовущия: всех нас соблюди=

## Молитва

Преблаженне и приснопамятне священномучениче Владе, дивный страдальче и предстателю наш теплый, по отшествию твоём в жизнь вечную призывающим твоё святое имя пособствовать и во всяких прошениях услышанным быти обещавай! Се, ныне к тебе угоднику Божию, яко к истинному ходатаю спасения, притекаем и смиренно молимся: предстани нам в помощь, узами грехов связанным, подвижися на всемошныя твоя к Богу молитвы и помолися о нас грешных: ты бо, недостойнии, призываети на заступление дерзаем, и желаем от всех грехов наших тобою освобождение получитьи. О, свяче Божий Владе! В сокрушении и смирении сердца нашего пред тобою припадаем и молимся: осияй нас, омраченных навесть вражиими, светом благодати свыше, да в нем ходяще, не преткнем о камень ног наших. Ты, яко сосуд в честь избранный и

исполненный благодати Божия, молим: сподоби нас грешных от исполнения твоего желаемое прияти, и исцели наша душевныя и телесныя язвы, грехом же нашим прощение и душевному и телесному нашему здравью спасение полезное у Господа испроси, да всегда прославляем Отца и Сына и Святаго Духа, и твое милостивное предстательство о душах и телех наших, ныне и приено и во веки веков. Аминь.



## СОДЕРЖАНИЕ

<b>Благословение на вступление в брак</b> . . . . .	3
Пресвятой Богородице в честь Ее иконы «Казанская» . . . . .	3
Благоверному князю Петру и княгине Февронии, Муромским чудотворцам . . . . .	6
<b>О покровительстве вступающим в брак</b> . . . . .	9
Святым бессребренникам и чудотворцам Косме и Дамиану . . . . .	9
<b>О счастии брака</b> . . . . .	12
Пресвятой Владычице нашей Богородице и Приснодеве Марии . . . . .	12
Архангелу Варахиилу . . . . .	13
Молитва апостолу Симону Зилоту . . . . .	14
<b>О совете и любви между мужем и женой</b> . . . . .	17
Святому апостолу и евангелисту Иоанну Богослову . . . . .	17
Молитва Архангелу Рафаилу . . . . .	18
Молитва Архангелу Варахиилу . . . . .	19
Святым мученикам Гурию, Самону и Авиву . . . . .	19
Молитва пред иконой «Покров Пресвятой Богородицы» . . . . .	19

Молитва пред иконой Божией Матери «Умиление» . . . . .	21
Молитва пред иконой Божией Матери «Феодоровская» . . . . .	23
<b>Об обретении своего жилища</b> . . . . .	25
Благоверному князю Даниилу Московскому . . . . .	25
<b>О всякой семейной и бытовой нужде</b> . . . . .	27
Святой блаженной Ксении Петербургской . . . . .	27
<b>При детородном бесплодии</b> . . . . .	30
<b>О воспитании детей в христианском благочестии</b> . . . . .	32
Мученице Софии . . . . .	32
<b>Об устранении семейных неурядиц</b> . . . . .	34
Мученикам и исповедникам Гурию, Самону и Авиву . . . . .	34
<b>О заступничестве вдов и сирот, о помощи в нужде</b> . . . . .	37
Святителю Димитрию Ростовскому . . . . .	37
<b>О благополучии второго брака</b> . . . . .	40
Преподобной Афанасии игуменье . . . . .	40
<b>О скором возвращении супруга из дальней отлучки</b> . . . . .	41
Сорока Севастийским мученикам . . . . .	41
<b>О помощи в житейских делах, о благословении     Божем над домом</b> . . . . .	43
Священномученику Власию, епископу Севастийскому . . . . .	43